

Inihahandog ng  
Bibliya Para sa mga Bata

# Mga Himala ni Hesus



Isinulat ni: Edward Hughes

Inilarawan nila: Byron Unger at Lazarus

Ibinagay nila: E. Frischbutter at Sarah S.

Isinalin ni: Christine Cornejo

Alastair Paterson

Inilimbag at ipinamamahagi  
ng Bible for Children  
[www.M1914.org](http://www.M1914.org)

©2020 Bible for Children, Inc.

Pahintulot: Ang materyal na ito ay maaaring  
makopya o malimbag, ngunit hindi maaaring  
ipagbili.




Si Hesus ay maraming ginawang mga himala. Ang Kanyang mga himala ay palatandaan na si Hesus ay Anak ng Diyos.



Ang unang himala ay naganap sa isang pista ng kasal. Hindi sapat ang alak para sa lahat ng tao.



Sinabi ni Maria, ang ina ni Hesus,  
ang tungkol sa problema. At sinabi  
ni Maria sa mga tagapaglingkod na  
gawin ang anumang sasabihin ni  
Hesus.



"Punan ang mga palayok  
ng tubig," sinabi ni Hesus.  
"Tubig?" sila ay nagtanong.  
Oo, tubig ang hiniling  
ni Jesus.




Sinabi ni Hesus,  
"Sumalok kayo  
sa palayok at  
dalhin ninyo sa  
namamahala ng  
handaan".



Ang tubig  
ngayon ay  
alak! Masarap  
na alak! Ang  
pinakamasarap  
na alak!



Ang mga tagapaglingkod  
ay namangha.  
Ginawa ni Hesus  
na ang tubig ay  
maging  
alak.



Tanging Diyos  
lang ang maaaring  
makagawa ng  
gayong himala.



Si Hesus ay may iba pang mga himala. Isang gabi, Siya at ang kanyang mga alagad ay nagpunta sa bahay ni Pedro.




Ang biyenang babae  
ni Pedro ay may  
mataas na  
lagnat.



Hinipo ni Hesus ang kamay ng babae.  
Sa isang sandali siya ay naging  
mabuti muli. Siya ay bumangon at  
pinaglingkuran si Hesus at

ang mga  
alagad.



Tila ang buong  
lungsod ay  
nagtipon sa  
pintuan ng  
gabing iyon.  
Mga taong  
may  
sakit -  
bulag, bingi,  
pipi, pilay.



Kahit ang mga nasapiang demonyo ay lumapit kay Hesus. Maari Niya bang matulungan ang lahat ng mga ito?



Si Hesus, na Anak ng Diyos, ay makakatulong. At Siya ay tumulong.



Lahat ng lumapit sa Kanya ay  
napagaling. Ang mga tao na may  
saklay ay maari ng lumakad at  
tumakbo at tumalon.






Ang ibang  
lumapit ay  
mga taong  
madumi  
at may  
ketong.




Sila ay naging  
buo at malinis  
ng hipuin ni  
Hesus.




Mga kalalakihan at kababaihan na may sapi ng mga demonyo ay humarap kay Hesus.



Iniutos Niya  
ang mga  
demonyo  
na umalis  
sa kanila.  
Sumunod  
at natakot  
ang mga  
demonyo.



At ang mga tao ay naging kalmado at masaya muli.



Pumunta kay Hesus ang apat na tao  
na pasan-pasan ang isang paralitiko.



Ngunit hindi sila makalapit kay  
Hesus dahil sa dami ng tao.  
Ano ang maaari nilang gawin?



Binalak ng apat na  
tao na butasan ang  
bubong sa tapat  
ni Hesus.



Kanilang inihugos  
ang higaan na  
kinarararatayan ng  
paralitiko.



Ngayon siya  
ay malapit na  
kay Hesus.



Nang makita ni  
Hesus ang kanilang  
pananampalataya,  
sinabi niya sa  
paralitiko, ...



... "Anak,  
pinatawad  
na ang mga  
kasalanan mo.  
Tumindig ka,  
buhatin mo  
ang iyong  
higaan."



Ang  
paralitiko ay  
napagaling  
ni Hesus.



Sa lalong madaling panahon, si Hesus ay nasa isang bangka kasama ang mga alagad. Nagkaroon ng isang malakas na bagyo.



Si Hesus ay natutulog.  
Lumapit sa Kanya  
ang mga alagad  
at ginising  
Siya.



Sinabi nila, "Panginoon,  
iligtas mo kami,  
napapahamak  
kami."




Sinaway ni Hesus ang hangin at alon ng tubig. At nagkaroon ng isang malaking katahimikan.

Sinabi ng mga alagad sa isa't isa,

"Sino ang taong ito na maging

ang hangin at dagat ay tumatalima sa kaniya?"



Hindi lingid sa kaalaman ng mga  
alagad, mas higit at malalaking  
himala pa ang masasaksihan  
nila kay Hesus, bilang  
tagapaglingkod  
ng Diyos sa  
lahat ng tao.



# Mga Himala ni Hesus

isang kuwentong nanggagaling sa  
Salita ng Diyos, ang Bibliya,

makikita sa

Mateo 8-0, Marcos 1-2, Marcos 4,  
Lucas 4, Lucas 8, Juan 2

"Ang bukas ng iyong mga Salita ay  
nagbibigay ng liwanag." Mga Awit 119:130



Ang Wakas



Sinasabi sa kuwentong ito mula sa Bibliya ang tungkol sa ating kahanga-hangang Diyos na Siyang lumikha sa atin at nais Niya na makilala natin Siya.

Alam ng Diyos na tayo'y nakagawa ng masasamang bagay na tinatawag Niyang kasalanan. Ang parusa sa kasalanan ay kamatayan ngunit lubos ang pagmamahal ng Diyos sa atin kaya't ipinadala Niya ang Kanyang Anak na si Hesus na Siyang napako at namatay sa Krus upang pagbayaran ang ating mga kasalanan.

Subalit hindi nanatiling patay si Hesus. Nabuhay Siyang muli at bumalik sa langit! Kung mananampalataya ka kay Hesus at hihingi ng kapatawaran sa iyong mga kasalanan, papatawarin ka Niya. Siya ay darating at mananahan sa iyong buhay magpakailanman.



Kung ibig mong maligtas at mapatawad sa iyong kasalanan, narito ang isang panalangin na maaari mong tularan:

"Mahal kong Diyos, naniniwala po ako na si Hesus ay namatay para sa akin, ngunit Siya ay nabuhay muli. Tinatanggap ko po kayo sa aking buhay at patawarin Ninyo po ako sa aking mga kasalanan upang ako'y magkaroon ngayon ng bagong buhay, at sa isang araw ay makasama Kayo magpakailanman. Tulungan po Ninyo akong mamuhay bilang Inyong anak. Amen."

Basahin ang Bibliya at manalangin sa  
Diyos araw-araw! Juan 3:16

